



Vitæ Sanctorvm

Haraeus, Franciscus

Coloniensis, 1611

XVI. Augusti. Von dem Heyligen Bekenner Arsacio / den die Lateinische
Marter Bücher Vrsatium nennen: Welcher verschieden vmb das Jahr
Christi 330.

[urn:nbn:de:hbz:466:1-81413](https://nbn-resolving.org/urn:nbn:de:hbz:466:1-81413)

Von dem Heyligen Bekenner Arfacto/ den die Latet-
nische Martyr Bücher Vrsatium nennen: Wel-
cher verschieden vmb das Jahr
Christi 330.

Ex Sozomeno Hist. Ecclesiastic. lib. 4. cap. 15.

XVI. Augusti.

16. Tag
August-
monats.



In der Statt Nicomedia ist so vnuersehnlich zerschüttet vom Erdbidem/ daß niemand hat können dauon fliehen/ wail einer aleich gern geflohe wäre: Sondern wie ein jeder der Vnfall an einem Drih ergriffen/ allda ist er entweder enthalten/ oder aber verderbt worden. Viel sagen/ Arfacius hab diesen Jammer längst zu vor gesehen.

Dieser ist seines Herkommens ein Persier gewesen/ vnnnd auß einem Kriegsmann/ der des Rāysers Löwen gewartet/ ein trefflicher Bekenner Christi/ zu Rāysers Licinij zeiten/ worden/ da er die Weltliche Kriegsübung verlassen/ vnd auß dem Schloß Nicomedia in derselben Statt Kingmauren das Closterleben geführt hat. An welchem Drih im ein Götlich Gesicht fürkommen/ vnd im befohlen/ auß der Statt zu gehn/ vnd dem Vnfall der die Statt vberfallen wirt/ zu entweichē. Darauf er frū in die Kirch kommen/ den Clericis Befelch geben/ Gott den Herzen stāts demütig anzurufen/ vnd zu bitten/ daß er versöhnet würde/ den Vnfall von der Statt abzuwenden/ den er ihr gedrömet hatte. Als aber seine Ermahnūg keine statt bey ihnen haben mocht/ vnd noch darzu verspottet worden/ hat er doch niches desto weniger stark darauff verharret/ daß der Vnfall vnuersehnlich sie vberleile würde. Darnach ist er wider ins Schloß kommen/ auß sein Angesicht niedergefallen/ vnd Gott angeruffen.

Wiltelweil erschüttet die Statt/ vnnnd viel Leuth werden beschädigt/ vñ verderben. Welche aber vberblieben/ seynd hinauß außs Feld vnd in die Wāsten geflohen. Dann in der weizen vnd reichen Statt ist in einem jeden Haus ein Feuer entzündet an Herdten/ in Backöfen in Bädern/ vñ an allen Drihen/ vñ Handwercken/ da man Feuer gebraucht: Also daß die Dächer auß den Häusern vom Erdbidem zerschüttet/ die Flammen alles/ was brennen kan/ ergriffen/ daß also zu lest schier auß vielen Feueren ein einiges worden/ vnnnd die ganze

Statt in einer Flammen gestanden/ vnd verzehret worden. Niemand konte von ein Haus zum andern gehen: Was lebendig blieben/ hat alles dem Schloß zugehlet. Vnd aber Arfacius ist in einem Thurn/ der vnbewegt stehen blieben/ auß seinem Angesicht liegend/ außgestreckt tott funden. Gesagt wirt/ er hab von Gott erbetten/ daß er vor dem Vnfall gestorben: Hab lieber wöllen sterben/ dann solcher Statt so grausamen Vndergang mit Augen zuschawen/ in welcher er Christum zu erst erkennet/ vnnnd in der Kirchenlehr vnderwiesen worden.

Weil wir aber von diesem Mann zu reden angefangen/ so soll man wissen/ daß er von der Lieb wegen/ mit welcher Gott in geliebet/ hat können Teuffel austreiben/ vnd Leuth welche mit solchem verhasst gewesen/ dauon reiniget. Dann wie einer vom bösen Geist geplagt/ mit blossen Schwert vber den Marckt gelauffen/ vnd alle Menschen für im geflohen/ auch ein grosser Lermen deswegen in der Statt entstanden/ da lāufft Arfacius im entgegen/ nennt Christum/ vnnnd hilffte dem Menschen mit einem Wort/ reiniget in vom Teuffel/ vnnnd brachte ihn wider zum rechten verstande. Es seynd auch sonst viel andere Werck durch ihn geschehen/ die vber Menschliche Kunst vnnnd Vermögen geschätzt worden/ vnder welchen diß eins ist. Es war ein Drach oder Schlange/ welcher die auff/ vnd abreysende Leuth mit seinem Anblasen tödtet/ vor vnd ehe er gesehen worden. Dann er nahe bey dem Weg in einer Höhlen verborgen gelegen. Aber Arfacius gehet zu demselbigen Drih/ vnd bettet: Vnd der Drach geht frey selbst auß der Höhlen/ schlegt den Kopff zweymal auß die Erden/ vnnnd tödtet sich selbst. Welchs bey mir erzehlet haben/ die es von andern gehört/ welche den Arfacium mit Augen gesehen.

Nota fidem
scriptoris.

ss [S] ss

Ggg

Von